

**2 Relation de la Nouuelle France,**  
qu'il a seiourné en France, il a veu plusieurs personnes de qualité, ausquelles il a faict connoistre les grandes richesses spirituelles que l'on peut esperer de ces vastes contrées, où se retrouue vn nombre quasi innombrable de Nations, qui n'attendent que la publication de l'Evangile pour embrasser la Foy, & reconnoistre leur Createur; & que cela auroit esté executé au moins en partie, n'estoient les grands obstacles que nous forment les demons, qui voyans que tous les François qui sont en ces derniers confins du monde, viuent beaucoup plus saintement qu'ils ne fesoient en France, & que les Sauuages, leurs anciens suiects, vont quittants de iour en iour, arment leurs suppôts pour la deffense de leur Empire.

Or poutce qu'il falloit vn puissant secours, pour reprimer l'insolence de ces demons, il estoit necessaire qu'il s'adressat à des personnes qui eussent & l'affection & le pouuoir pour tout ce qui regarde ce nouveau monde : Il s'addressa donc à Madame la Duchesse d'Eguillon qui prend si bonne part à la Conuerison des peuples de ce pais, que par vne deuotion toute particuliere qu'elle a au sang